



27 AUG, 2024

Tukang urut miliki minyak ganja, erimin 5 dipenjara tujuh tahun

Kosmo, Malaysia



Page 1 of 2

Tukang urut miliki minyak ganja, erimin 5 dipenjara tujuh tahun

KANGAR – Seorang tukang urut dijatuhi hukuman penjara tujuh tahun dan tiga sebatan oleh Mahkamah Majistret di sini semalam, atas empat pertuduhan memiliki dadah jenis erimin 5 serta ganja termasuk dalam bentuk minyak pada Januari lalu.

Majistret Nurshahida Abdul Rahim menjatuhkan hukuman itu selepas tertuduh, Lee Chin Loon, 47, membuat pengakuan bersalah atas empat pertuduhan yang dihadapinya.

Tertuduh yang masih bujang itu dikenakan hukuman penjara 30 bulan dan tiga kali sebatan atas kesalahan memiliki 26.07 gram ganja dan penjara 24 bulan bagi pertuduhan memiliki 0.20 gram erimin 5.

Dia juga dihukum penjara 18 bulan bagi kesalahan memiliki 500 mililiter (ml) minyak ganja atau *delta-9 tetrahydrocannabinol* (THC) dalam bentuk cecair.

Tertuduh turut dijatuhi hukuman penjara selama 12 bulan kerana memiliki 25 gram ganja dalam bentuk bahan mekit.

Majistret Nurshahida kemudian memerintahkan semua hukuman penjara bagi empat pertuduhan itu berjalan secara



CHIN LOON (baju putih) mengaku bersalah memiliki dadah jenis erimin 5 dan ganja di Mahkamah Majistret Kangar semalam.

serentak bermula semalam.

Keputusan itu menyaksikan tertuduh hanya perlu menjalani hukuman penjara selama 30 bulan.

Mengikut pertuduhan, Chin Loon didakwa memiliki dadah jenis ganja, erimin 5, minyak ganja dan ganja dalam bentuk bahan mekit.

Kesalahan itu dilakukan di Pos

Kawalan Imigresen Wang Kelian dekat Padang Besar kira-kira pukul 3 petang pada 8 Januari lalu.

Pendakwaan dikendalikan Pegawai Pendakwa Jabatan Kastam Diraja Malaysia (JKDM), Nurul Idayu Ismail, manakala tertuduh diwakili peguam Yayasan Bantuan Guaman Kebangsaan (YBGK), Nurul Hanani Che Nor.



27 AUG, 2024

Tukang urut miliki minyak ganja, erimin 5 dipenjara tujuh tahun

Kosmo, Malaysia



Page 2 of 2

SUMMARIES

KANGAR - Seorang tukang urut dijatuhi hukuman penjara tujuh tahun dan tiga sebatan oleh Mahkamah Majistret di sini semalam, atas empat pertuduhan memiliki dadah jenis erimin 5 serta ganja termasuk dalam bentuk minyak pada Januari lalu. Majistret Nurshahida Abdul Rahim menjatuhkan hukuman itu selepas tertuduh, Lee Chin Loon, 47, membuat pengakuan bersalah atas empat pertuduhan yang dihadapinya. Tertuduh yang masih bujang itu dikenakan hukuman penjara 30 bulan dan tiga kali sebatan atas kesalahan memiliki 26.